

## KONTSULTA PUBLIKOA ORDENANTZA FISKALEN GAINEAN 2019. URTEKO EKITALDIRAKO

### 1.-ARAUAREN AURREKARIAK:

*11/1989 Foru Arauak, uztaila 5ekoak, Gipuzkoako Tokiko Ogasunen erregulatzailerak, bere 7. artikuluan, xedatzen du Gipuzkoako Lurralde Historikoko Udalerriei dagozkiela, Foru Arau honek ezartzen duen esparruan, bere zergen kudeaketa, ikuskaritza eta bilketa, zeinak egingo diren, foru arau udal zergen erregulatzaileretan eta horien garapenerako emandako bestelako xedapenetan ezartzen diren espezialitateei kalterik egin gabe, Foru Zerga Arau Orokorrean eta horren garapenerako emandako xedapenetan aurreikusitakoaren arabera.*

*Gipuzkoako Lurralde Historikoko udalek, beren ordenantza fiskalen bitartez, hartu ahal izango dute bakoitzaren antolaketa-erregimen eta funtzionamendu propioaren aurreko atalean aipatzen den arautegia, eta moldaketa horrek ezingo du hautsi aipatutako arautegi horren eduki materiala.*

#### ORDENANTZA FISKALEN EDUKIA:

*Ordenantza Fiskalek gutxienez eduki hauek izango dituzte:*

*A/ Zehaztea zerga-egitatea, subjektu pasiboa, arduradunak, salbuespenak, murriztapenak eta hobariak, zerga-oinarria eta likidazio-oinarria, karga-tasa edo zerga-kuota, zergaldia eta zergaren sortzapena.*

*B/ Deklarazio eta diru-sarreraren araubideak.*

*C/ Onartze-data eta aplikatzen hasteko data.*

*Ordenantza Fiskal hauek onartzeko akordioak dagozkien zergak ezartzearekin batera hartuko dira.*

*Aipatutako Ordenantzak aldatzeko akordioek horien eraginpean dauden arauen erredakzio berria eta onartze-data eta aplikatzen hasteko data jaso beharko dituzte.*

### 2.-KONPONDU NAHI DIREN ARAZOAK

Ordenantza fiskalen proiektua 2019ko ekitaldirako honako hau da:

**1.- Zerbitzuen kostuari aurre egitearren, Udalaren diru-sarrerei eusteko helburuarekin, %1,1ko gehikuntza ezartzen da, izaera orokorarekin, 2017ko KPI-ari dagokiona, udal-zerga eta tasetarako, salbu eta puntu hauei dagokienez:**

a) Ur-hornidura, saneamendu eta azpiegiturengatik tasa: tasa horietan, familia-unitatearen kide-kopurua kontuan hartuz jarraituko da fakturatzen; hori dela-eta, tarifak desberdinak izango dira etxebizitza bakoitzaren bizikide-kopuruaren eta kontsumoaren arabera.

Aldi berean, Ur Partzuergoaren eta Udalaren tarifen artean egon den desadostasuna dela-eta, Udalaren tasak eta Partzuergokoak bat egiteko bidea jarraitzea proposatzen da, bai etxeke erabilerarako direnak bai etxeke erabilerarako ez direnak, 2019ko ekitaldirako;

b) Bizitegi-izaera duten ondasun higiezinari buruzko zerga:

Azkoitiko irizpide orokorra da alderaketa egitea Azkoitiaren tankerako beste hogei udalerrirekin eta, hala, batezbesteko karga fiskala ezartzea.

Honez gain hobari berri bat onartzea proposatuko da, %50a hain zuzen honako egoeratan aurkitzen diren etxebizitzetzi:

1.- kuotaren %50, Eusko Jaurlaritzaren 2002ko abenduaren 30eko 316/2002 Dekretu bidez etxebizitza hutsei buruz onartutako Bizigune Programaren barruan erabilea lagapena duten ondasun higiezinak.

**2.- Indarrean dauden hobariak zerga-legeria arautegira egokitze aldera**, era honetan aldatuko da zerbitzu publikoak eman eta jarduerak egiteagatik izaten diren tasen ordenantza erregulatzaileria:

a) Hondakinak biltzeko, tratatzeko eta aprobetxatzeko zerbitzuaren tasa:

Tasa ordaintzeko salbuespena kentzen zaie baserriei, indarrean dagoen zerga-araudira egokitze aldera.

### **3.- ONARTZEKO BEHARRA ETA EGOKIERA**

Motiboa: 8/1989 Legearen 18. artikulua, tasei eta prezio publikoei buruzkoak, agintzen du – ukatu gabe tasak finkatzean aintzat hartu behar dela, zergaren ezaugarriek hartarako egokiera ematen dutenean, ordaindu behar duten pertsonen gaitasun ekonomikoa–, ez dela onartuko, tasen kontuan, zerga-onura edo abantailarik batere, salbu eta Estatuaren eta bestelako lurralde-erakunde publikoen eta instituzionalen faboretan denean edo nazioarteko hitzarmen eta akordioetan ezarritakoaren ondorio denean.

Aurreko guztitik ondorioztatzen da, zergen funtsezko elementuen gainean agintzen duen lege-erreserbaren printzipioaren arabera, lege batek hala adierazten duenean baino ezingo dutela Udalek hobariak edo ordainarazpenak ezarri.

### **4.- ORDENANTZA FISKALEN HELBURUAK 2019. URTEKO EKITALDIRAKO**

Ordenantza fiskalak onartzeko eta aldatzeko eskumena Udalak arauak ezartzeko ahalaren agerpena da lekuko zerga-eremuan.

Arauak ezartzeko ahalmen hori gauzatzean Azkoitiko Udalak printzipio hauen arabera jardun behar du:

**a) Beharra eta eraginkortasuna.** 2019ko ekitaldirako ordenantza fiskalen ekimena interes orokorrak justifikatzen du; aurreko atalean adierazten dira horrekin lortu nahi diren helburuak, eta bera da tresnarik egokiena horiek lortzen direla **bermatzeko**.

**b) Proporzionaltasuna.** Ekimenak ezinbesteko erregulazioa dauka zerbitzu publikoen kudeaketa egiteko beharrei erantzuteko.

**c) Segurtasun juridikoa.** Ekimena gainerako ordenamendu juridikoarekin modu koherentean gauzatzen da; esparru arauemaile egonkor, aurrez aise ikusteko modukoa, osoa, argia eta segurtasunekoa sortzen du, eta horrek ekimenaren ezagutza eta ulermena errazten ditu.

**d) Gardentasuna.** Azkoitiko udalak behar diren baliabideak jartzen ditu indarrean dagoen araudira iristeko modua erraza, unibertsala eta eguneratua izan dadin; eta kontsulta publikoari esker hartzaile izan daitezkeen pertsonen parte aktiboa har dezakete 2019ko ekitaldirako ordenantza fiskalen lanketan.

**e) Eraginkortasuna.** Ekimen arauemaile orok saihestu egin behar ditu behar ez diren karga administratiboak, eta arrazionalizatu egin behar ditu, aplikatzean, baliabide publikoen kudeaketa.